



UPA 2019/17
Ulloq 25.03.2019
Bentiaraq Ottosen

Atassut

**Soraarnerussutisiaqarnissamut aaqqissuussinermut pinngitsoorani ilaanissaq pillugu
Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx
2019-imeersoq**

(Aningaasaqarnermut Nunanilu Avannarlerni suleqatigiinnermut Naalakkersuisoq)

Soraarnerussutisiaqarnissamut aaqqissuussineq pillugu Inatsisartut Inatsisaata allanngortinneqarnera, Borgmester-it tjenestemand-it assigalugit soraarnerussutisiaqarnissamik ileqqaarnissaat pineqarpoq.

Ullumikkut Borgmester-it ileqqaarnissaminnik periarfissaat allarlunnaavoq, taamaattumik siunnersuutigineqartoq ersarilluinnartuuvoq pisariaqarluinnarlunili. Borgmester-it soraarnerussutisiaqarnissamut aaqqissuusinermi tjenestemand-it ilaaffigisaattut assigalugit inissinneqarnissaat isumaqarpugut pingaartuusoq, ukiunili taakkunani qulakkeertussaammassuk nammineerlutik ileqqaagarisimasartik soraarnerussutisiaqalernerme qulakkiissallugit.

Namminersorlutik inuussutissarsiuteqartut taamannak periarfissinneqartariaqarput, tamannami namminneq piumasaraat inatsisinik sinaakkuteqarnissartik. Taamaattumik isumaqarpugut tamanna ilanngunneqartariaqartoq imminut napatittut siunissami soraarnerussutisiaqarnissamut aaqqissuusinerme pinngitsooratik ilaatinneqarnissaat.

Taamatut oqaaseqareerluta siunnersuut aappassaaneerneqannginnerani ataatsimiititaliamut innersuupparput, uani namminersorlutik inuussutissarsiuteqartut pillugit soraarnerussutisiaqartinneqarnissamut aaqqissuusinerme pinngitsooratik ilaanissaat eqqartorneqarniassammat.